



ՀԱՂՈՐԴԱԳՐՈՒԹՅՈՒՆ

Վեհափառ Հայրապետի բարձր նախագահության ներքո, Գերագույն հոգեվոր խորհուրդը ուրբաթ, փետրվարի 9-ին, մասնավոր նիստ գումարելով, քննության առավ սրբալույս մյուռոն օրհնելու և Նորին Սուրբ Օծություն Տ. Տ. Վազգեն Ա կաթողիկոսի ծննդյան 60-ամյակը հանդիսավոր կերպով նշելու հարցերը:

Գերագույն հոգևոր խորհուրդը հետ խորհրդակցության որոշեց.

1. Խնդրել Վեհափառ Հայրապետին՝ սրբալույս մյուռոն օրհնել ա. Էջմիածնի Մայր տաճարում, ըստ կանոնաց Հայաստանյայց եկեղեցվո, հառաջիկա տարի, 1969 թվականի հոկտեմբերի 5-ին, կիրակի օրը՝ ի մխթարություն հայ հավատացյալ ժողովրդի:

2. Ամենայն Հայոց Վեհափառ Հայրապետի 60-ամյակը և զահակալության 14-րդ տարեդարձը հանդիսությամբ նշել նույնպես 1969 թվականի հոկտեմբերի 5-ին, կիրակի օրը:

3. Այս որոշման մասին հաղորդել նվիրապետական Աթոռներին, թեմերին, ազգային-եկեղեցական մարմիններին պաշտոնական գրություններով և մամուլի միջոցով:

4. Մյուռոնօրհնների և Ամենայն Հայոց Վեհափառ Հայրապետի ծննդյան 60-ամյակի հանդիսություններին հրավիրել ինչպես ներքին թեմերից, նույնպես և ափյուրքի թեմերից հոգևորական և աշխարհական ներկայացուցիչներ:

5. Այս հանդիսությունների առթիվ հրատարակել Վեհափառ Հայրապետի կոնդակների և քարոզների ժողովածու:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴ

10 փետրվար 1968 թ.

Մայր Աթոռ ա. Էջմիածին

